

**PREGO DE CLÁUSULAS ADMINISTRATIVAS PARTICULARES DO PROCEDEMENTO NEGOCIADO CON PUBLICIDADE PARA A CONTRATACIÓN DA EXECUCIÓN DA “OBRA CIVIL PARA SEIS PLANTAS DEPURADORAS NODRIZAS DE AUGAS RESIDUAIS DOMÉSTICAS E DE LODOS DE FOSAS SÉPTICAS DE PEQUENOS NÚCLEOS DE POBOACION DO RURAL OURENSÁN, NO MARCO DOS PROXECTOS DELORUR, TERRAS DO AVIA E ARRAIANO”, - TERMOS MUNICIPAIS DE O BARCO DE VALDEORRAS, MASIDE E XINZO DE LIMIA-, FINANCIADOS MEDIANTE AXUDAS FEDER – EIXE 5, DESENVOLVEMENTO LOCAL E URBÁN- PERIODO 2007/2013, P.O. REXIONAL DE GALICIA, CONVOCATORIA 2007**

**I.- OBXECTO E XUSTIFICACIÓN DAS NECESIDADES A SATISFACER**

De conformidade co disposto nos artigos 22 e 74 da Lei 30/2007, do 30 de outubro, de Contratos do Sector Público (en diante LCSP), o obxecto deste prego de cláusulas administrativas particulares é regula-la contratación e execución da obra “obra civil para seis plantas depuradoras nodrizas de augas residuais domésticas e de lodos de fosas septicas de pequenos núcleos de poboacion do rural ourensán, no marco dos proxectos DELORUR, TERRAS DO AVIA e ARRAIANO”, - termos municipais de O Barco de Valdeorras, Maside e Xinzo de Limia-, financiados mediante axudas FEDER – Eixe 5, desenvolvemento local e urbán- periodo 2007/2013, P.O. rexional de Galicia, convocatoria 2007-, de conformidade coas determinacións que se especifican nestas bases, no seu anexo e no proxecto técnico aprobado, resultando xustificada dita actuación pola súa vinculación ó bo fin dos proxectos citados.

**II.- TRAMITACIÓN E PROCEDEMENTO DE ADXUDICACIÓN**

A obra contratarase mediante procedemento negociado con publicidade (artigos 153, 155.d e 160 a 162 da LCSP) e en trámite ordinario (artigos 93 e 94 da LCSP).

**III.- NATURALEZA**

Este contrato cualifícase como contrato administrativo de obras, de conformidade co disposto nos artigos 5, 6 e 19.1.a) da LCSP.

**IV.- FINANZAMENTO**

O importe da adxudicación aboarase con cargo ó orzamento da Deputación provincial de Ourense, existindo crédito axeitado e suficiente, para financia-las obrigas derivadas deste contrato, segundo consta no expediente, no marco dos proxectos DELORUR, TERRAS DO AVIA e ARRAIANO”, financiados mediante axudas FEDER – Eixe 5, desenvolvemento local e urbán- periodo 2007/2013, P.O. rexional de Galicia, convocatoria 2007, cas seguintes achegas por proxecto:

- Proxecto Arraiano: 78.000,00 €
- Proxecto Delorur: 242.000,00 €
- Proxecto Terras do Avia: 252.000,00 €.

A efectos de determinar as achegas por proxecto logo da adxudicación do contrato, a baixa ofertada polo adxudicatario respecto do tipo de licitación, aplicarase por igual a cada un dos proxectos citados

**V.- TIPO DE LICITACIÓN.**

O prezo máximo de licitación importa un total de **572.000,00 €** (IVE e demais tributos incluídos).

**VI.- PRAZOS E PENALIDADES.**

A obra obxecto deste contrato deberá quedar totalmente rematada antes do día 30 de novembro de 2010, establecéndose como prazo parcial, sen perxuízo de calesquera outros que poida determinar o director técnico, que as soleiras onde deben instalarse as plantas nodrizas deberán quedar totalmente rematadas antes do día 30 de novembro de 2010.

Se o adxudicatario incorrese en mora na execución da obra contratada, incluídos os prazos

parciais establecidos, a Deputación poderá optar indistintamente pola resolución do contrato ou pola imposición das penalidades por demora previstas na lexislación vixente, de conformidade co disposto nos artigos 196 e 197 da LCSP.

A resolución do contrato acordarase, no seu caso, de conformidade co disposto nos artigos 195 e 206.e) da LCSP, determinando a obriga do contratista de indemnizar os danos e prexuízos causados á Administración, de conformidade co disposto no artigo 208.4 da LCSP, indemnización que farase efectiva, en primeiro termo, sobre a garantía definitiva constituída, sen prexuízo da subsistencia da responsabilidade do contratista respecto do importe que exceda da garantía incautada.

Se a Deputación optase pola imposición de penalidades por demora e sen prexuízo da efectividade destas mediante dedución nas certificacións de obra ou documentos de pago correspondentes ou sobre a garantía constituída, o contratista deberá indemnizar os danos e prexuízos irrogados á Administración como consecuencia do atraso culpable, debendo acordar a Administración a ampliación do prazo de execución das obras, na medida que se estime necesaria para a terminación do contrato, todo elo de conformidade co disposto nos artigos 98 e 99 do Regulamento xeral da Lei de contratos das administracións públicas, aprobado por RD 1098/2001, do 12 de outubro (en diante RGLCAP).

Se o atraso fose producido por motivos non imputables ó contratista e se este se comprometese a executar a obra con prórroga de prazo, deberá ser acordada esta prórroga pola Administración, nos termos do artigo 197.2 da LCSP.

#### VII.- GARANTÍA PROVISIONAL

Non se exige garantía provisional, tendo en conta o seu carácter potestativo ó abeiro do disposto no artigo 91.1 da LCSP.

#### VIII.- GARANTÍA DEFINITIVA

O importe da garantía definitiva a constituír polo adxudicatario provisional, en calquera das modalidades previstas no artigo 84.1 da LCSP, será do 5% do prezo da adxudicación (IVE excluído).

En todo caso, axustarase ó disposto nos artigos 55 e seguintes do RGLCAP, así como ós modelos que figuran nos anexos do expresado regulamento.

Dita garantía constituirase no prazo de 15 días hábiles contados desde o seguinte ó da publicación do anuncio de adxudicación provisional no perfil do contratante (<http://www.depourense.es>), de conformidade co disposto nos artigos 87.1 e 135.4 da LCSP, procedéndose, en caso de demora imputable ó contratista, a declara-lo decaído no seu dereito e a aplicación do disposto no 135.5 da LCSP

#### IX.- CONDICIÓN DOS LICITADORES.

Poderán participar na licitación as persoas naturais ou xurídicas, españolas ou estranxeiras, que teñan plena capacidade de obrar, acrediten a súa solvencia económico-financieira e técnica ou profesional, non se atopen incursas en ningunha das causas de prohibición para contratar co sector público do artigo 49 da LCSP e dispoñan da habilitación empresarial ou profesional necesaria para a execución da prestación que constitúe o obxecto deste contrato (artigo 43.1 e 2 da LCSP).

#### X.- DOCUMENTACIÓN A PRESENTAR.

As proposicións serán secretas e presentaranse en tres sobres cerrados ou libros separados e firmados polos licitadores ou persoa que os represente:

**SOBRE NÚM. 1.** Levará a mención “Documentación administrativa do procedemento negociado para a contratación da “obra civil para seis plantas depuradoras nodrizas de augas residuais domésticas e de lodos de fosas septicas de pequenos núcleos de poboación do rural ourensán, no marco dos proxectos DELORUR, TERRAS DO AVIA e ARRAIANO”, -termos municipais de O Barco de Valdeorras, Maside e Xinzo de Limia-, financiados mediante axudas FEDER – Eixe 5, desenvolvemento local e urbán-

periodo 2007/2013, P.O. rexional de Galicia, convocatoria 2007-, presentada por.....» coa firma do licitador ou persoa que o represente e indicación do nome e apelidos ou razón social da empresa.

No interior do sobre farase constar, en folio independente, o seu contido enunciado numéricamente.

O sobre deberá conte-la seguinte documentación, consonte co disposto no artigo 130 da LCSP:

1. Aquela que acredite a personalidade do empresario, mediante NIF ou documento que o substitúa. A capacidade de obrar das persoas xurídicas acreditarase, ben mediante a escritura de constitución e de modificación, no seu caso, inscritas no Rexistro Mercantil, ben mediante escritura ou documento de constitución, modificación, estatutos ou acto fundacional, inscrito, no seu caso, no correspondente Rexistro Oficial.

Os que acudan á licitación na representación doutro, así como nos casos nos que o licitador sexa unha sociedade ou persoa xurídica, deberán achegar tamén escritura de poder para o efecto, validada polo secretario da Deputación, ou polos servizos xurídicos desta, e acredita-la súa personalidade mediante o NIF.

2. Xustificación da solvencia económico-financeira e técnica ou profesional, mediante a achega de certificación expedida pola Xunta Consultiva de Contratación Administrativa acreditativa da clasificación do contratista correspondente o Grupo E, Subgrupo 7, Categoría d).

3. Xustificación de non atoparse o licitador, incurso en ningunha das prohibicións de contratar co sector público do artigo 49 da LCSP, con expresa mención de atoparse ó corrente no cumprimento das obrigacións tributarias e coa Seguridade Social impostas pola lexislación vixente, presentada con arranxo ó disposto no artigo 62 da LCSP .

4. Para as empresas estranxeiras, declaración expresa de sometemento á xurisdicción dos xulgados e tribunais españois de calquera orden, para tódalas incidencias que de xeito directo ou indirecto puidesen derivarse deste contrato, con renuncia ó foro xurisdiccional estranxeiro que puidese corresponderlles.

Toda a documentación achegárase en orixinal ou fotocopia debidamente compulsada.

A documentación enumerada nos apartados 1 a 3, ambos inclusive, desta cláusula, poderá substituírse pola presentación do certificado de inscrición no Rexistro Oficial de Licitadores e Empresas Clasificadas do Ministerio de Economía e Facenda ou dos rexistros análogos da Comunidade Autónoma de Galicia e da Excm. Deputación provincial de Ourense, acompañando dita certificación dunha declaración responsable na que o licitador manifieste que as circunstancias contidas na certificación presentada non teñen experimentado variación algunha. Tal declaración deberá reiterarse polo adxudicatario, no documento de formalización do contrato.

**SOBRE NÚM. 2.** Levará a mención “Proposición económica, relativa ós criterios de valoración automática, do procedemento negociado con publicidade para a contratación da “obra civil para seis plantas depuradoras nodrizas de augas residuais domésticas e de lodos de fosas septicas de pequenos núcleos de poboación do rural ourensán, no marco dos proxectos DELORUR, TERRAS DO AVIA e ARRAIANO”, -termos municipais de O Barco de Valdeorras, Maside e Xinzo de Limia-, financiados mediante axudas FEDER – Eixe 5, desenvolvemento local e urbán- periodo 2007/2013, P.O. rexional de Galicia, convocatoria 2007-, presentada por.....» coa firma do licitador ou persoa que o represente e indicación do nome e apelidos ou razón social da empresa, que incluírá os seguintes documentos:

1.- Plica, consonte co seguinte modelo:

Don/a ..., con domicilio en ..., NIF núm. ..., no nome propio (ou na representación de ..., segundo acredita con ...), informado/a do expediente e condicións para contrata-la execución da “obra civil para seis plantas depuradoras nodrizas de augas residuais domésticas e de lodos de fosas septicas de pequenos núcleos de poboación do rural ourensán, no marco dos proxectos DELORUR, TERRAS DO AVIA e ARRAIANO”, -termos municipais de O Barco de Valdeorras, Maside e Xinzo de Limia-,

financiados mediante axudas FEDER – Eixe 5, desenvolvemento local e urbán- periodo 2007/2013, P.O. rexional de Galicia, convocatoria 2007-, comprométese á súa execución con suxeición ás bases e o seu anexo e o proxecto técnico aprobados con dito fin, polo importe total (incluídas as melloras ofertadas) de ..... € (IVE e demais tributos incluídos), correspondendo ó importe neto (sen IVE) a cantidade de ... € e ó IVE aplicable a cantidade de ... €.

Lugar, data e sinatura.

2.- Melloras ofertadas polo licitador, valorándose exclusivamente as relativas á construción e instalación segundo o proxecto aprobado, en cada unha das tres ubicacións propostas para a instalación das plantas nodrizas –dúas plantas por ubicación-, dos seguintes elementos de retirada e lavado de areas: un trómel, un tornillo con reixa e un sistema de lavado completo, podendo optar os licitadores entre ofertar o conxunto de ditos elementos o somentes algún ou algúns deles, consonte co seguinte modelo:

Don/a ..., con domicilio en ..., NIF núm. ..., no nome propio (ou na representación de ..., segundo acredita con ...), informado/a do expediente e condicións para contrata-la execución da “obra civil para seis plantas depuradoras nodrizas de augas residuais domésticas e de lodos de fosas septicas de pequenos núcleos de poboación do rural ourensán, no marco dos proxectos DELORUR, TERRAS DO AVIA e ARRAIANO”, -termos municipais de O Barco de Valdeorras, Maside e Xinzo de Limia-, financiados mediante axudas FEDER – Eixe 5, desenvolvemento local e urbán- periodo 2007/2013, P.O. rexional de Galicia, convocatoria 2007-, comprométese á súa execución con suxeición ás bases e o seu anexo e o proxecto técnico aprobados con dito fin, ofertando como melloras á construción e instalación segundo o proxecto aprobado, en cada unha das tres ubicacións propostas para a instalación das plantas nodrizas –dúas plantas por ubicación-, dos seguintes elementos de retirada e lavado de areas:

1.- .....

2.- .....

3.- .....

Lugar, data e sinatura.

Os sobres presentaranse pechados no rexistro xeral da Deputación e poderán estar lacrados ou precintados. Poderán igualmente enviarse por correo nas condicións previstas no artigo 80.4 do RGLCAP.

A presentación das proposicións determina a aceptación incondicional polos empresarios do contido da totalidade das cláusulas deste prego, sen ningunha excepción, conforme ó artigo 129.1 da LCSP.

Este prego de cláusulas administrativas particulares forma parte do expediente de contratación que comprende ademais:

- O proxecto técnico aprobado, no que se inclúen as condicións técnicas, os cadros de prezos e demais documentación prevista no artigo 107 da LCSP
- A autorización do gasto.
- O xustificante de dispoñibilidade do crédito, debidamente intervido.
- O replanteo do proxecto para comproba-la realidade xeométrica das obras e a dispoñibilidade dos terreos e dos bens afectados para a súa normal execución, consonte co disposto no artigo 110 da LCSP.

O expediente será aprobado polo órgano de contratación competente e comprenderá tamén a aprobación do gasto, conforme ó artigo 94.1 da LCSP, previamente á apertura do procedemento de licitación e adjudicación.

Revisten carácter contractual tódolos documentos do proxecto e este prego de cláusulas administrativas particulares. Nos casos de discrepancia entre ambos documentos rexerá o previsto no prego de cláusulas administrativas particulares.

#### XI.- MESA DE CONTRATACIÓN

A mesa de contratación estará integrada, de conformidade co disposto no apartado 10 da D.A. 2ª da LCSP, do seguinte xeito:

- Presidente: o da Corporación ou membro ou funcionario desta en quen delegue.
- Vogais: o Secretario, o Interventor, o xefe do Servizo provincial de Augas e Medio Ambiente e o xefe do Servizo provincial de Investimentos, Subvencións e Patrimonio.
- Secretario: o xefe do Negociado provincial de Obras e Infraestructuras.

#### XII.- PRESENTACIÓN DE DOCUMENTACIÓN E SOLICITUDES DE INFORMACIÓN

A presentación da documentación realizarase no rexistro xeral da Deputación en días e horas de oficina, ata as 14 horas do décimo quinto (15º) día natural seguinte ó da publicación do anuncio de licitación no perfil do contratante (<http://www.depourense.es>). Se o último día do prazo de presentación da documentación coincidise en sábado ou festivo, entenderase prorrogado o devandito prazo ó primeiro día hábil seguinte. A documentación poderá igualmente remitirse por correo, nas condicións previstas no artigo 80.4 do RGLCAP

Os licitadores poderán solicitar do órgano de contratación, dentro dos cinco primeiros días do prazo de presentación de proposicións e documentación, canta información adicional e documentación complementaria estimen necesaria para a presentación das súas ofertas, debendo serlles facilitada con alomenos seis días de antelación ó remate do prazo de presentación de ofertas (artigo 92.1 do RGLCAP, en relación co artigo 142.2 da LCSP)

#### XIII.- CUALIFICACIÓN DA DOCUMENTACIÓN XERAL E APERTURA DE PROPOSICIÓN.

O acto licitatorio desenvolverase, de conformidade co disposto nos artigos 81 a 84 do RGLCAP, nos termos seguintes:

O día seguinte hábil (excepto sábados), a aquel no que finalice o prazo de presentación de proposicións constituirase a mesa de contratación para a cualificación dos documentos presentados en tempo e forma no sobre núm. 1, formalizándose a acta correspondente. Se non existisen deficiencias que subsanar, a apertura do sobre núm. 2, efectuarase o mesmo día, ás 12:00 horas, na salón de comisións do Pazo Provincial.

Noutro caso, a mesa de contratación, se observase defectos ou omisións enmendables na documentación presentada, comunicarao verbalmente ós interesados. Sen prexuízo do anterior, as circunstancias deberán ser públicas a través de anuncios do órgano de contratación, concedéndose un prazo non superior a tres días hábiles para a corrección ou rectificación dos defectos ou omisións ante a mesa de contratación, procedéndose á apertura en acto público do sobre núm. 2, o quinto día hábil posterior (excepto sábados) ó do vencemento do prazo de presentación de proposicións, ás 12:00 horas, no salón de comisións do Pazo Provincial.

No suposto de envío de documentación por correo que faga imposible a calificación da documentación e a apertura de proposicións nas datas sinaladas, o secretario da mesa de contratación comunicará ós licitadores, á maior brevidade posible, as novas datas fixadas para tales actos.

#### XIV.- CRITERIOS DE ADXUDICACIÓN E ADMISIBILIDADE DE VARIANTES

Ós efectos da adxudicación deste contrato, teranse en conta os criterios de adxudicación que seguidamente reflíctense, coa ponderación que indicase para cada un deles:

- Polo compromiso do licitador de executar á súa costa, melloras parciais consistentes na construción e instalación segundo o proxecto aprobado, en cada unha das tres ubicacións propostas para a instalación das plantas nodrizas –dúas plantas por ubicación-, dun trómel, para o sistema de retirada e lavado de areas, 20 puntos.
- Polo compromiso do licitador de executar á súa costa, melloras parciais consistentes na construción e instalación segundo o proxecto aprobado, en cada unha das tres ubicacións propostas para a instalación das plantas nodrizas –dúas plantas por ubicación-, dun sistema de lavado completo, para o

sistema de retirada e lavado de areas, 15 puntos.

- Polo compromiso do licitador de executar á súa costa, melloras parciais consistentes na construción e instalación segundo o proxecto aprobado, en cada unha das tres ubicacións propostas para a instalación das plantas nodrizas –dúas plantas por ubicación-, dun tornillo con reixa, para o sistema de retirada e lavado de areas, 20 puntos.

- Polo compromiso do licitador de executar á súa costa, a mellora integral consistente na construción e instalación segundo o proxecto aprobado, en cada unha das tres ubicacións propostas para a instalación das plantas nodrizas –dúas plantas por ubicación-, do sistema completo de retirada e lavado de areas (composto por trómel instalado, tornillo con reixa instalados e sistema de lavado), 90 puntos.

-Prezo ofertado, de 0 a 10 puntos, outorgándose 10 puntos ó licitador que oferte o prezo máis económico, e ós demais, a puntuación que corresponda segundo resulte da aplicación dunha regra de proporción directa (regra de tres), considerándose, a estes efectos, a porcentaxe de baixa verbo do tipo de licitación.

*A efectos de valoración, as puntuacións correspondentes pola oferta de melloras parciais, serán acumulables entre sí e coa puntuación correspondente o prezo ofertado; a puntuación correspondente pola oferta da mellora integral –entendéndose como tal, a oferta de execución da totalidade das melloras parciais indicadas-, sólo será acumulable coa correspondente o prezo ofertado.*

Non admitiranse variantes respecto das bases e anexo e do proxecto aprobado. En ningún caso admitirase a presentación de ofertas alternativas.

#### XV.- PROPOSTA DE ADXUDICACIÓN E ADXUDICACIÓN PROVISIONAL

A mesa de contratación, previa solicitude e análise, no seu caso, dos informes, técnicos ou xurídicos, que estime pertinentes relacionados co obxecto do contrato, presentará as proposicións coa acta correspondente e a proposta que estime pertinente ó órgano de contratación para a adxudicación provisional do contrato.

Vista a proposta da mesa, o órgano de contratación clasificará as ofertas presentadas e admisibles por orden decrecente, en atención ós criterios de adxudicación e formulará adxudicación provisional do contrato a favor do licitador que presente a oferta economicamente máis vantaxosa para a deputación, sen que poida declarase deserto o expediente cando exista algunha oferta admisible (artigo 135.1 da LCSP).

Non obstante o anterior e antes da adxudicación provisional, o órgano de contratación poderá, mediante resolución motivada, renunciar á celebración do contrato ou desistir do procedemento, nos termos regulados no artigo 139 da LCSP.

A adxudicación provisional será notificada ós licitadores é publicada no perfil do contratante (<http://www.depourense.es>), podendo solicitar os licitadores a información prevista no artigo 137 da LCSP (artigo 135.3 da LCSP).

#### XVI.- ADXUDICACIÓN DEFINITIVA E FORMALIZACIÓN DO CONTRATO

A adxudicación provisional elevarase a definitiva no prazo de 15 días hábiles contados desde o seguinte ó da publicación do acordo de adxudicación provisional no perfil do contratante e en dito prazo, o licitador que resulte adxudicatario provisional deberá achegar, ó Negociado de Obras e Infraestructuras da deputación, a seguinte documentación (artigo 135.4 da LCSP):

1. Certificación administrativa acreditativa de que o licitador se atopa ó corrente no cumprimento das súas obrigacións coa Seguridade Social, de conformidade co establecido no artigo 14 do Real Decreto 1098/2001, do 12 de outubro.

2. Certificación administrativa acreditativa de que o licitador se atopa ó corrente no cumprimento das súas obrigacións tributarias.

3. Xustificante de estar dado de alta e o corrente de pago no Imposto de Actividades Económicas (IAE). Xustificarse co recibo de pagamento do imposto no exercicio correspondente acompañado

dunha declaración responsable de non terse dado de baixa na matrícula deste, ou coa alta en facenda no período correspondente ou ben con certificado da Facenda expedido para o efecto.

4.- Tres (3) exemplares do plano de seguridade e saúde. O cuarto (4) exemplar debe quedar en poder do adxudicatario e estar na obra ó dispor da dirección técnica.

5.- Nomeamento de responsable de seguridade e saúde, representante da empresa.

6.- Comunicación na que exprese se concorren ou non algunhas das circunstancias do artigo 3.2 do RD 1627/1997, do 24 de outubro. Unha copia deste documento deberá serlle entregada á dirección técnica.

7.- Xustificante de constitución da garantía definitiva.

Cando non proceda a adxudicación definitiva a favor do adxudicatario provisional, estarase ó disposto no artigo 135.5 da LCSP.

En cumprimento do disposto no artigo 137 da LCSP, a adxudicación definitiva será notificada ós licitadores é publicada no perfil do contratante (<http://www.depourense.es>), podendo solicitar os licitadores a información prevista en dito precepto. Procederá así mesmo a publicación no BOP de Ourense cando o importe do contrato sexa igual ou superior a 100.000,00 €.

O contrato formalizarase dentro dos 10 días hábiles seguintes ó da recepción da notificación da adxudicación definitiva con arranxo ó disposto no artigo 140 da LCSP e 71 do RGLCAP

#### XVII.- COMPROBACIÓN DO REPLANTEO

A comprobación do replanteo efectuarase no prazo máximo de 1 mes contado desde a data de formalización do contrato, estendéndose a acta correspondente da que entregaranse tres exemplares no Negociado de Obras e Infraestruturas (artigo 212 da LCSP e 139 e seguintes do RGLCAP)

#### XVIII.- EXECUCIÓN DO CONTRATO, DIRECCIÓN DE OBRA, RESPONSABLE DO CONTRATO, CONDICIÓNS ESPECIAIS DE EXECUCIÓN E SUBCONTRATACIÓN

O contrato executarase con estricte suxeición ó disposto neste prego e no proxecto que serve de base ó contrato e conforme ás instrucións que en interpretación técnica deste, lle sexan dadas ó contratista pola dirección facultativa da obra (artigo 213 da LCSP).

A deputación encomendará a dirección facultativa e a coordinación de seguridade e saúde desta actuación a técnicos competentes, sendo por conta da deputación o aboamento dos honorarios correspondentes.

Sen prexuízo do anterior e de conformidade co disposto no artigo 41 da LCSP, a deputación poderá nomear, de entre os seus funcionarios, un responsable do contrato, con funcións de supervisión da correcta execución do contrato de obra e da súa dirección técnica. As instrucións dictadas en interpretación do contrato por dito responsable, serán vinculantes tanto para o contratista adxudicatario das obras coma para o director facultativo delas.

A maquinaria utilizada polo adxudicatario na execución da obra deberá estar en posesión do certificado de posta en conformidade, expedido polo organismo competente, en cumprimento do disposto no RD 1.215/1997, do 18 de xullo, configurándose esta obrigaón como condición especial de execución do contrato con natureza de obrigaón contractual esencial, ós efectos do disposto nos artigos 102 e 206 g. da LCSP. Os directores técnicos e o servizo de seguridade e saúde, poderán esixir do adxudicatario a exhibición de ditos certificados durante todo o prazo de execución da obra.

O adxudicatario poderá subcontratar a execución parcial da prestación que constitúe o obxecto deste contrato, ata o importe máximo do 60% do prezo de adxudicación e con suxeición ó disposto no artigo 210 da LCSP.

#### XIX.- PAGAMENTOS E REVISIÓN DE PREZOS

Os pagamentos realizaranse contra certificacións expedidas con periodicidade mensual en función da obra efectivamente executada en dito período, con suxeición ó disposto nos artigos 200.4 e 215.1 da LCSP e concordantes do RGLCAP, debendo quedar perfectamente diferenciadas en ditos documentos as achegas correspondentes a cada un dos tres proxectos (Arraiano, Delorur e Terras do

Avia) que cofinancian esta actuación, nos termos que determinen os servizos técnicos provinciais.

O adxudicatario terá dereito a percibir abonos a conta polas actuacións preparatorias da execución do contrato, previa a constitución da correspondente garantía, nos termos previstos nos artigos 200.3 e 215.2 da LCSP e concordantes do RGLCAP.

A revisión de prezos deste contrato, de resultar esta procedente con arranxo ó disposto no artigo 77 da LCSP, realizarase mediante a aplicación do Índice de Prezos ó Consumo aprobado polo INE, nos termos previstos no artigo 78 da LCSP.

#### XX.- INTERPRETACIÓN, MODIFICACIÓN, SUSPENSIÓN E RESOLUCIÓN DO CONTRATO

Son facultades do órgano de contratación a interpretación, modificación, suspensión e resolución do contrato, de conformidade cos artigos 194 e 195, 202 e 203, 206 a 208, 217 e 220 a 222 da LCSP e concordantes do RGLCAP. Cando resulte necesaria calquera modificación, os directores técnicos formularanlle a oportuna proposta ó órgano de contratación.

#### XXI.- RECEPCIÓN DA OBRA, LIQUIDACIÓN, PRAZO DE GARANTÍA E PENALIDADES POR EXECUCIÓN DEFECTUOSA

Rematada a obra procederase a verificar a correcta execución da actuación con presenza do director facultativo da obra, do contratista e dun técnico designado pola deputación, que actuará en representación desta, estendéndose a correspondente acta.

No suposto de que a obra estivese executada correctamente, estenderase acta positiva tendo por recibida a obra, comezando a computarse desde a data de levantamento de dita acta o prazo de garantía, que será dun ano. Así mesmo, no prazo de tres meses seguintes á recepción da obra, o órgano de contratación deberá aprobar a certificación final, que será aboada ó contratista a conta da liquidación do contrato.

Se a obra non se atopase en estado de ser recibida, deixarase constancia na acta dos defectos advertidos e das instrucións dictadas e do prazo concedido para a subsanación daqueles. Transcorrido dito prazo, se persisten as deficiencias, poderá optar a deputación entre a resolución do contrato ou a concesión dun novo prazo de subsanación con aplicación dunha penalidade por importe do 3% do prezo de adxudicación do contrato IVE excluído. Todo elo ó abeiro do disposto nos artigos 205 e 218 en relación co artigo 196.1 da LCSP.

#### XXII.- GASTOS

O adxudicatario quedará obrigado a paga-lo importe dos gastos de publicidade da licitación ata o importe máximo de 1.500,00 € e de cantos outros gastos se deriven dos trámites de preparación, adxudicación, formalización e execución do contrato, incluídos todo xénero de tributos e prezos públicos estatais, autonómicos ou locais. Así mesmo, a deputación provincial poderá realizar, con cargo ó adxudicatario, ensaios e análises dos materiais e das unidades de obra executadas, ata o límite máximo do 1% do gasto total autorizado, ó abeiro do disposto no artigo 145 do RGLCAP.

Corresponderá asemade o adxudicatario a cumprimentación dos trámites necesarios para obter as licencias e autorizacións precisas para a execución da prestación

#### XXIII.- CÓMPUTO DE PRAZOS

Conforme co disposto na D.A. 15ª da LCSP tódolos prazos que se sinalen en días enténdense naturais, a non ser que expresamente se faga constar que se tratan de días hábiles.

#### XXIV.- CARTEIS INDICADORES

Na obra instalaranse os carteis indicadores que sinalen os servizos técnicos da Deputación, con especial mención da financiación da actuación con fondos FEDER da UE no marco dos proxectos DELORUR, TERRAS DO AVIA e ARRAIANO, xustificándose esta obrigación na forma na que indiquen os devanditos servizos. Os devanditos carteis serán retirados polo contratista unha vez recibida formalmente a obra pola administración.



XXV.- *NORMATIVA APLICABLE E FORO XURISDICCIONAL*

En todo o non previsto neste prego, rexerá, en canto a preparación, adxudicación efectos e extinción do contrato, o disposto na LCSP e nas súas disposicións de desenvolvemento; supletoriamente aplicaranse as restantes normas de dereito administrativo e no seu defecto as normas de dereito privado (artigo 19.2 da LCSP).

As controversias que puidesen xurdir entre as partes no ámbito deste contrato, substanciaranse, de ser o caso, perante a xurisdicción contencioso-administrativa (artigo 21.1 da LCSP).

XXVI.- *EXPOSICIÓN Ó PÚBLICO DO EXPEDIENTE DE CONTRATACIÓN*

O expediente de contratación, no que intégrase o presente prego, foi aprobado pola Presidencia provincial mediante Decreto do día da data e queda depositado no Negociado de Obras e Infraestruturas para que, durante o prazo de presentación de documentación e proposicións, os licitadores e demais interesados, poidan examinalo e formular, no seu caso, as observacións e reclamacións que estimen oportunas. A presentación de reclamacións non producirá, per se, efectos suspensivos sobre a tramitación do expediente.

<i>Obra</i>	<i>Orzamento</i>	<i>Prazo de execución</i>	<i>Clasificación esixida</i>
<b>OBRA CIVIL PARA SEIS PLANTAS DEPURADORAS NODRIZAS DE AUGAS RESIDUAIS DOMÉSTICAS E DE LODOS DE FOSAS SEPTICAS DE PEQUENOS NÚCLEOS DE POBOACION DO RURAL OURENSÁN, NO MARCO DOS PROXECTOS DELORUR, TERRAS DO AVIA E ARRAIANO</b>	<b>572.000,00 €</b>	<b>30/11/2010</b>	<b>E/7/d</b>

Ourense, 2 de agosto de 2010.

O PRESIDENTE,

Dilixencia: examinado o presente prego de condicións, estímase conforme a dereito.

Ourense, 2 de agosto de 2010.

O SECRETARIO,

Dilixencia: examinado o presente prego de condicións, infórmase favorablemente.

Ourense, 2 de agosto de 2010.

O INTERVENTOR,

## ANEXO

Nos proxectos presentados á convocatoria 2007 das axudas FEDER-Eixe 5 Desenvolvemento Local e Urbano – Período 2007/2013 P.O. Rexional de Galicia foron aprobados os Delorur, Terras do Avia e Arraiano.

Nestes proxectos inclúense entre outras accións a construción de plantas nodrizas para a depuración consecuenta de augas residuais domésticas e de lodos de fosas sépticas de pequenos núcleos de poboación do rural ourensán.

As seis máquinas depuradoras xa foron licitadas e adquiridas , están acopiadas en espera do seu traslado e posta en funcionamento, unha vez construída a obra civil que as albergue.

Para este fin licitouse unha asistencia técnica para a redacción do proxecto técnico que defina esta obra civil, téndose proposto tres ubicacións, centralizándose nunha soa instalación por proxecto (3) as seis depuradoras e permitindo dotar a cada instalación cun sistema de retirada e lavado de áridos contidos nos lodos das fosas sépticas.

Este proxecto ven de ser entregado e os terreos a ubicar foron postos a disposición polos concellos de O Barco de Valdeorras, (Delorur), Maside (Terras do Avia) e Xinzo de Limia (Arraiano), conforme convenio suscrito con eles.

O proxecto recolle conxuntamente, pero de xeito individualizado as tres obras, segundo o orzamento dispoñible en cada un dos proxectos:

	<u>Orzamento</u>		
<u>Arraiano</u>	<u>Exec. Material</u>	<u>Valor est. lic.</u>	<u>Base licitación</u>
Actuación A.3.12 Obra civil	18.835,12	22.413,79	26.000,00
Actuación A.3.15 Lavado areas	<u>37.670,24</u>	<u>44.827,59</u>	<u>52.000,00</u>
	56.505,36	67.241,38	78.000,00
<u>Delorur</u>			
Actuación A.3.8 Obra civil	26.079,39	31.034,48	36.000,00
Actuación A.3.10 Lavado areas	<u>149.232,11</u>	<u>177.586,20</u>	<u>206.000,00</u>
	175.311,50	208.620,68	242.000,00

Terras do Avia

Actuación A.3.8 Obra civil	33.323,67	39.655,18	46.000,00
Actuación A.3.10 Lavado areas	<u>149.232,11</u>	<u>177.586,20</u>	<u>206.000,00</u>
	182.555,78	217.241,38	252.000,00
Total	414.372,64	493.103,44	572.000,00

Ourense, 2 de agosto de 2010.  
O PRESIDENTE,